

Bosna i Hercegovina
Federacija Bosne i Hercegovine

KANTON SARAJEVO
Ministarstvo prostornog uređenja,
građenja i zaštite okoliša



Босна и Херцеговина
Федерација Босне и Херцеговине

КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-28145-49/19 III MG
Sarajevo, 23.08.2019. godine

SKUPŠTINA KANTONA SARAJEVO
n/r Elmedin Konaković, predsjedavajući
- ovdje -

PREDMET: Odgovor na zastupničko pitanje zastupnika Zvonka Marića

Zastupnik Zvonko Marić na Dvanaestoj radnoj sjednici Skupštine Kantona Sarajevo, održanoj dana 24.07.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo, postavio je zastupničko pitanje:

“Molim Vladu KS i resorno ministarstvo da me obavijeste o prikupljanju i zbrinjavanju otpadnih ulja i zauljenog otpada na području Kantona Sarajevo.”

ODGOVOR:

Upravljanje otpadnim uljima i drugim zauljenim otpadom u Federaciji BiH regulisano je Uredbom o selektivnom prikupljanju, pakovanju i označavanju otpada («Službene novine Federacije BiH» broj 38/06), koja određuje obaveze za generatore rabljenih ulja i krajnjih korisnika mazivih ulja da prikupljaju i zbrinjavaju nastalo rabljeno ulje. Ne postoji organizovano prikupljanje, ni posebna infrastruktura za ovu vrstu otpada.

Otpadna ulja spadaju u tzv. posebne kategorije otpada, za koje je članom 18a Zakona o upravljanju otpadom (“Službene novine Federacije BiH” br. 33/03, 72/09 i 92/17) predviđeno je da Federalno ministarstvo okoliša i turizma donese provedbene propise, kojim će se utvrditi kriteriji, rokovi i



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



načini upravljanja. Posebne kategorije otpada su otpadne materije koje su važne bilo sa aspekta njihove štetnosti po okoliš i zdravlje ljudi, bilo po količinama koje nastaju i kao takve zahtijevaju posebno uređen način upravljanja od mjesta nastajanja, preko skupljanja, transporta i tretmana do konačnog zbrinjavanja.

Mjere za iskorištavanje otpadnih ulja, definisane Planom upravljanja otpadom Kantona Sarajevo ("Službene novine Kantona Sarajevo" broj 29/15), ogledaju se u obavezi odvojenog prikupljanja i odgovarajućeg tretmana. Operateri kao što su benzinske pumpe, automehaničarske radnje i drugi proizvođači otpadnih ulja, obavezni su sklopiti ugovor sa operaterom ovlaštenim za tretman ove vrste otpada. Proizvođač otpadnih ulja treba osigurati spremnike za različite kategorije ulja i označiti ih u skladu sa Uredbom o selektivnom prikupljanju, pakovanju i označavanju otpada. Takođe, Ministarstvo kroz izdavanje okolinskih dozvola za benzinske pumpe propisuje posebne mjere za upravljanje otpadnim uljima, a nadzor nad mjerama iz okolinske dozvole vrši inspekcija zaštite okoliša.

Na području Kantona Sarajevo prikupljanje otpadnih ulja obavlja se uglavnom putem privatnih operatora registrovanih na području Kantona Sarajevo i Federacije BiH. Privatni operatori koji imaju dozvole za prikupljanje otpadnih ulja izdatu od strane Ministarstva prostornog uređenja, građenja i zaštite okoliša Kantona Sarajevo su Trgosirovina d.o.o. Sarajevo, Aida Commerce d.o.o. Sarajevo i C.I.B.O.S. d.o.o. Sarajevo. Na području Kantona Sarajevo preuzimanje otpadnih ulja vrše i operatori koji dozvole imaju u drugim kantonima: Reciklon d.o.o. Sarajevo, Grioss doo Grude Podružnica Jajce, Kemis BH d.o.o. Lukavac, VALBIH d.o.o. Konjic, Delta Petrol d.o.o. Kakanj. Obaveza je operatora za upravljanje otpadom da jednom godišnje dostavljaju Izvještaj o ispunjenju uslova iz dozvole za upravljanje otpadom, nadležnom organu koji je izdao dozvolu. Nadzor nad ispunjavanjem propisanih mjera vrši inspekcija zaštite okoliša.



MINISTAR

Damir Filipović, MA prava

Dostaviti:

- Naslovu
- Vlada Kantona Sarajevo
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

